

巢经巢全集

第五
册

播雅卷第十六

遵義鄭 珍子尹編輯

遵義唐樹義子方校訂

李歲貢樾 十四首

樾字蔭侯遵義人乾隆朝貢生著有望雲詩草蔭侯篤志行己介然離俗名所居曰四一居謂天地之正氣忠一孝一人世之正塗一耕一讀也銘云孝求無愧忠期不忤耕勿辭勞讀須尋樂四一居敬不煩贅說可以知其守矣詩乃絕無頭巾氣尤慕道學者之所難云

弔李節婦 余師韓妻

弱齡悲寡鵠哀怨寫孤桐力與機絲盡庭餘井臼空苦心盟白日貞骨謝蒼穹寂寞憑誰弔黃花一葉風

山靜

山靜渾無事心閒自不驚看兒騎白馬趁日曬黃精畫寫王摩詰琴彈阮步兵
縱無佳客至伴坐有流鶯

毳公席上

毳公新屋裏多士宴涼天社酒開三甕豚蹄共一肩各談新舊雨爭誦老莊篇
不恨歸來晚紅霞導馬前

靈雨 并引

丙寅夏旱邑侯親禱於吾鄉之團溪三日大雨浹旬民以爲靈用紀其美
爲民庶念格蒼穹社鬼龍神各奏功十里同時沾惠雨萬家交口頌仁風懷新
盡喜嘉禾遂易耨奚愁烈日烘從此使君隨臥治只聽打稻慶年豐

送莊孝廉岱南之京

十年風雨記論文萬里騰驤看軼羣才子舊推何水部詞人今屬杜司勳一樽
高唱陽關曲匹馬遙衝驛路雲渺渺長安天際路湘江秋月重懷君

按莊岱南名佳雨本福建和平縣人十三歲時因與羣兒鬥恐責遂逃
至遵義依鄉人居南鄉程姓者因爲其贅婿中雍正丙午蜀闈已成進
士矣倍履歷誤稱福建致黜乾隆間授四川溫江知縣旋知忠州以緝
獲賊魁馬前子功陞保寧府知府告歸至家適上元其家人方祀先見
岱南布衣冠從行數肩行李黃昏入戶不知其已致仕也

呈檢討譚聞齋先生

鳳嶺峯回第幾弓茅齋深處一橋通書聲繞屋震松桂弟子應門無僕僅請業
何時窺海岸問奇容我坐春風近嗟師道方蕭瑟絳帳於今識馬融

聽琵琶

指上琵琶清且妍當場定子寄纏綿忽啾忽唧寒蟬咽時暗時明淡月懸抽盡
蛛絲愁織錦剝殘蕉葉恨題箋可憐人去淒涼夜一盞銀釭照獨眠

書懷

硯池筆架伴殘編歲月如流五十年敢謂詩書曾負我亦知窮達盡由天腰肢
婀娜風前柳意致纏綿樹杪烟斗酒荒亭聊晚醉兒承菽水共歡然

黔靈山

郭外名山窄徑斜白雲影裏樹杈桠風邊隱有鐘魚度日午全無雞犬譁曲曲
芳池浮積藻深深禪室護名花振衣更向峯頭望碧瓦參差十萬家

秋夜

翹首望迢遙清清夜寂寥斷腸人未寢何處一聲簫

觀太平戲

割蜀歸黔俗未移年年歌舞二郎祠欲將李守降龍事話與吾鄉父老知

按郡俗釀錢祀川主因歌舞娛神演李二郎故事有桃山救母并州採
鐵等劇名曰太平陽戲少亦一二日乃已要其鄉年豐人樂始爲之其

因禱報賽者僅稱陽戲所祀川主土主藥王僅歌舞通宵而畢

弔楊一公

弱柳愁眠碧水邊
薔薇花發傍鞦韆
到來春草荒三徑
啼血堪憐是杜鵑

午日卽事二首

千葉榴花照滿庭
幽齋筆管叫螟蛉
裁箋不寫天師虎
仿徧黃庭道德經
角黍包香綠酒甘
煮魚燒筍足情酣
看兒亂抹雄黃字
肩上胡孫綴兩三

按郡俗端午日用硃書天師騎虎字或畫其像粘壁間謂可辟諸蟲
雄黃塗小兒頭面大書王字於額間謂可辟蚊剪五色布帛作小胡孫
以棉楮之綴兒兩肩上謂可稀痘

劉恩貢佐國 三首

佐國字公弼號龍領遵義人乾隆朝恩貢後選教職以老辭不就著有
自娛文稿龍領持己內嚴而外和易至性邇人母沒廬墓三載事兩兄
佐乾佐清老猶坐立惟命或怒卽前跪受責於宋五子書有確見嘗作

性說一篇最精

登接龍寺後山

仄足過崔嵬寒空首怯回問鴉紅日外倚樹盡雲隈路自危巖斷人從細嶺來
接龍山下寺鐘鼓幾時開

聞金甥章聘大挑二等

與子分攜後音疎又一春止期題雁塔何意困龍津不得文章力空爲學究人
皇天終有眼無遽歎艱辛

蟲聲

唧唧復啾啾金風滿玉樓每從新月下吟到五更頭寡婦孤舟泣羈人遠道愁
復聞聲斷續何處不驚秋

詹教諭廷璠五首

廷璠字奐若號玉田遵義人乾隆丙午舉人官龍里縣教諭

由粵東北上偕吳明府

晉勳

遊飛來寺

峽山古剎足徘徊
黛有蒼松綠有苔
梵唱一聲猿獻果
梅花幾樹雪成堆
風門獨詠髯仙去
月夜何年帝子來
遍歷未知遊跡倦
暮舟猶自傍林隈

石阡方君

大訓

來任龍里訓導八月而沒哭之殯所

社祠不是鳳凰樓
短帛搖風過鳥愁
斗俸遽成終古恨
孤棺豈可竟年留
應門子在千山外
無味香餘一篆浮
我亦貧寮真負汝
相看老淚止空流

水仙十二美人圖

仙姿十二門嚴寒
猩色屏風白玉盤
分付小鬟須愛惜
曲闌干外有人看

九日遇雨對菊

欲去登臨雨濕苔
伴人惟有菊花開
蕭蕭獨立東籬下
應有王宏送酒來

送別劉訓導

偉勳

送君策馬不知寒
返舍先愁一影單
歸對故園詩酒客
爲余委曲道平安

侯教諭愷四首

愷字際虞號才圃桐梓人乾隆丙午舉人官清平縣教諭

新昌四詠

柳塘春早

仙令閒情愛早芳春光漏洩綠陂塘嬌鶯宛轉全無礙新燕差池尙未藏驛路
暖時高下碧妝樓近處淺深黃帝城想已柔條徧染得青衣上玉堂

時林秋色

露下天高爽氣澄墓門宿草早寒侵殘碑黯淡披烟索古道荒涼緩步尋白骨
縱隨風月冷青山那許姓名沉停車爲問當年事知有遺編艷藝林

昇仙曉月

謝絕塵埃上紫霄長留皓月照仙橋聲聲鶴唳風曾引片片鱗胸味肯調丹竈
尙疑秋氣應青囊詎共曉烟消雲臺勝景今非古追憶壺中世界饒

白溝待渡

南來北去兩悠悠駐馬危橋急喚舟故壘蒼茫空遠岸忠魂想像在中流風吹
晴浪猶停騎月落寒潭已近秋爲報鳳凰池上客靈槎不繫待同遊

李教諭向榮一首

向榮字欣齋遵義人乾隆朝貢生官龍里縣教諭

述先祖元先公髫歲割肱救親事

人貴忠孝立當務尤爲急但識大本原其人斯莫先惟昔我王考孝思篤總角
行年甫十二親病侍湯藥閱日百有餘不解脫衣裾剜肱救親身沉痾一旦除
邑侯謂王考孺孝可格天手書旌其廬至今昭昭然至今昭昭然仰頌書此篇
卜武定雲龍一首

雲龍字起田號潤蒼慶藻孫乾隆戊申舉人己酉進士改翰林院庶吉
士授戶部主事外任雲南武定州知州丁母憂歸服闋赴都卒於道年

五十一阮芸臺爲撰墓誌甚詳

節婦李劉氏壽詞

并引

氏仁懷諸生李國朝妻年二十六夫亡無兄弟矢志撫孤事親舅姑年越六十忘其無子今壽九十六歲

蘭水藥山秀鍾淑女有德有容大家風矩名門作配讀聲織聲夫子妙年已黌之英鴻案方舉忽焉隕越之死靡他摧心飲血願茲藐孤影隻形單鬻斯閔斯重泉或安有嗣爾立有終爾慎笑謝夫子未亡責盡階盈玉樹年登大耋維筠維松方斯勁節貞婦子孫必熾而昌選石南山以俟龍光

王州判筌

六首

筌字漁川儲德口乾隆己酉拔貢官四川眉州州判

和宋荔裳先生田家詩兼次其韻四首

累洽重熙際太平全家耕鑿豫桐生兒時記得高曾說自學扶犁未見兵

茅舍荆籬整復斜竹林深處兩三家當門不用疎簾掩種得間花幾樹遮
終歲夫娘不暫停手攜筐筥戶常扃饑歸小向檐邊立喜聽嬌兒尙未醒
牛已歸牢可逸居攜兒就傳拜階除去年三字經曾讀借問先生買磨書

眉州城東十里許墓頭觀半山老人泉在焉穿洞而下約數十級泉由山
出旋由山入其間相去不過三尺許先賢蘇老泉讀書其中因以自號泉
上樓臺亭閣極其壯觀

老泉已去老泉留泉上烟雲擁翠樓上一層樓觀一景江山萬里望中收
致楚材及菴兩弟書因感賦

雁序分飛冬復冬龍鍾不比舊時容多情却是無情極骨肉一年書一封

趙臨清毓駒六首

毓駒字盥溪式謨子乾隆壬子舉人授山東陵縣知縣陞臨清州知州
卒盥溪爲人有膽識當官而行不畏權貴而遇民輒撫摩噢咻臨財介

然不苟稱能吏者愧之嘉慶癸酉滑賊平有戈二者餘孽也稱千人敵
匿朝城一紳家謀復亂東撫檄往捕之至朝城邑令阻曰此歷任所不
敢問君之命豈獨輕耶曰某命誠不輕如君言則終聽之耶某必往令
不敢偕問需役若干曰合朝城兵不足敵一戈二某與四昇夫一老僕
去足矣遂去甫入莊門有冠帶率荷戈者數百迎道左徑至堂乃下輿
冠帶者卽某紳也來謁笑曰某知公此行爲戈二戈二果在此然公何
以擒之乃大叱曰汝藏奸我旣來而汝不自獻我必自往擒我往汝必
殺我若是早晚大兵來汝家無噍類矣急圖之紳默然久乃曰若獻之
自累奈何曰得渠魁脅從者且宥况獻名賊汝功矣又何罪紳叩首曰
唯命留款旣徹喚戈二前則偉丈夫也叱之曰汝卽隨趙官去顧曰是
不可縛者命去卽去公毋憂果卽從輿後去及城令驚喜曰我爲公一
日不食矣其臨事不懼如此權濟寧時州當童試有貴要子以賄進返

其物附一絕句昔年辛苦云云其人大沮此所以能有爲也其孫旭曉
峯奉節母教能讀祖書緝桐梓耆舊詩略復錄先輩遺聞軼事爲桐峯
邑中文獻採摭殆盡余從曉峯所錄盪溪詩至謝苞苴首益神往其人
不置云

墜崖辭

并引

烈婦冉氏諸生梁郁山妻夫沒守義姑欲奪而嫁之烈婦度不免佯言歸寧
至虎跳崖乳其子付婢墜崖死時年二十二歲

南山石何纍纍妾心如山不可移吁嗟妾心姑不知

解一

長跪語阿姑婦欲歸寧

母家別姑出門去孤兒啼啞啞兒聲甫住新冢在路

解二

冢中人長眠冢上樹初

茁憔悴經秋霜勁節不能殺願爲連理棲鴛鴦不作倡條棲鳳凰

解三

高崖截嶽

猛虎睨之不敢越乳兒付婢與兒訣奮身投崖虎驚逸崖有時崩節不滅

解四

遊蘭亭

癸丑仍今歲

時乾隆
癸丑

清遊向竹林亭虛生水氣山靜積春陰此地足流覽斯文

自古今羣賢不可作興至一登臨

五丁關

峭壁穿雲俯急流一夫戍守萬人休空餘此谷稱天險終見降王出益州秦力
未能圖玉壘蜀心先已利金牛五丁東去關長啓坐想蠶叢草味秋

沙邱懷古

厭氣徒聞架海梁鮑魚方臭已爭王英雄競擬追秦鹿仁義誰知愛魯羊望澤
轉憐添一炬安民幸有約三章不勞亞父膽龍色長者分明屬漢皇

臨齊留別士民

坐久如家也重遷回瞻城郭爲潛然訟粗解聽慚知本民未全安愧俸錢賴有
豐年登七載了無善教及三泉

州書
院名

臨歧一語還殷望農盡敦龐士盡賢

謝苞苴

昔年辛苦實難忘况有兒孫望顯揚我受楊公四知語告天清夜靜焚香

杜鹽城昭四首

昭字蘊堂遵義人乾隆甲寅舉人授江蘇鹽城縣知縣告歸年八十卒

道光丙申重遊泮水四首

青衿重整笑顏開鶴髮猶叨後彥陪宦海已從輕棹返泮宮復聽好音來人將舊日誇翹秀我實髫齡媿茂才芹藻不隨華髻老年年新綠共春回

卅年攀取桂枝香也作邯鄲夢一場仕路光陰真迅速秀才風味耐思量交難諧俗聊安拙老愛看書却易忘六十年來同案侶剩留碩果感滄桑

摩挲俎豆仰宮懸敢擬香山繪衆仙杯捧蓮花剛六月朝扶玉杖欠三年欣逢俊秀初升日幸結膠庠再拜緣燕喜若云難老錫此番當讓杜陵先

領袖相將步杏壇稱身猶有舊衣冠英姿卓犖蜚聲易老態頽唐釋菜難杖擬刻鳩添甲子宴思鳴鹿樂杯盤諸君聯袂登蟾窟爲報衰翁興未闌

李副貢柏三首

柏字青圃遵義人乾隆甲寅副榜原姓蹇明尚書義後先世由重慶徙
遵青圃幼有至性祖母老失明父常經紀於外代父扶持侍湯藥事得
歡心平生不作欺人事家負郭足未嘗入官府守令屢招卒不赴道光
九年臬司李文耕令各縣舉賢良方正咸舉之謝曰不賢良方正則有
矣若云能然吾誰欺欺天乎衆不能強以子蹇臣授婺川訓導贈如其
官

相地

地理本天理心地卽陰地咄哉形家言強爲立名字信之一以深奸欺動巧伺
老母年六十精力漸衰憊覓兆固有年龜食近猶未謹守五不爲詎敢有貪覬
彼客何爲者踵門辭頗費口講復手畫山水真鮮二因偕素心人隨之一躬視
東行十餘里左折入突邃石險勢谿衍樹老色蒼翠偈仄礙難行陰寒森可畏